



89335

偶有軒

詩鈔

上

偶有軒詩鈔

下

上

咸豐辛酉年鐫

偶有軒

詩鈔

上

祁門西鄉閃存板

印訂

偶有軒詩鈔分體合編引

歲辛酉首夏避地祁西裏桃源中有宗人

茂才長谷者志苦力學鍛歲鍊年舊雖知

名奈昭穆既遠世居郡隔茲甫言面旬日

以來相與款洽殷勤或篝燈話雨或把酒

論詩栩栩然歡若平生既而讀其行本詩

數卷藏稿詩一帙近製詩若干篇知其潛

心騷選注力李唐審花成蜜鍊汞爲丹得

偶有軒詩鈔

一

詩學正軌是可存而傳者遂不避參軍評

靈運之嫌敢將其行卷藏帙暨近製諸詩

爲之品藻評花選商定羽分體合編釐爲

四卷俾付劄副以質同學諸君子焉其序

文題詞率錄舊製是爲引時咸豐十有一

年四月上旬日古秋浦湘溪八十老人叅

竹陳金鋪書



序

茂才陳君維嘉祁閩之好修士也。深思力學，倜儻風流。丙戌春，從予香荃家，兄遊讀書聖泉巖。古剎時相過，從是冬以疾歸。十餘年不復見矣。今夏予承乏東山，主講之役，辱承存問，袖中出詩一帙，囑爲弁言。予讀之大都適情寄意之作，居多其運思也清，其發藻也麗，時而妙相莊嚴，時而明妝

偶有軒詩鈔

明序

一

豔冶時而朱絃疏越，時而鐵板豪吟，要皆發於性靈而不踰乎規矩者。蓋其訪南嶽策天都，歷武林，泛秦淮，登臨數萬仞舟楫數千里，得江山之助，成奇詭之觀，良有以也。而君十餘年之勝槩，由此而知，而予十餘年之積愆，亦由此而慰矣。據言稿失，不自檢，仍有未經錄出者。然此雖未爲全豹，不已窺見一斑乎。爰弁數言以歸之。

道光二十有三年仲夏月天中後二日穀
坪弟胡正仁撰

偶有軒詩鈔

胡亭

二

其後附五子題

道光二十有三年仲夏月天中後二日

序

客春寓芝城旅舍偶檢篋帙時雨霽香濃
湘簾捲碧便抽韻製春詞詩一首稿初易
適臨安劉君少菴偕雲陽蕭君厚齋見過
遂質之二君因摘誦諸時彥新製是題詩
幾聯於予予皆擊節至云工麗莫如蠟燭
堆紅淚春愁訴曉鶯熟濕香泥畱宿燕管
抽軟草倩迷魂數語且深以未悉全詩爲

偶有軒詩鈔

李序

一

恨予笑而謂曰此吾同門友陳長谷句也
長谷詩辨宗旨至氣格原未嘗拘拘於得
句故鉅構佳篇動見性情傳誦者每不僅
以詩人目之且櫝中所著有古唐韻語英
華山窗觸記蠶桑要錄諸書數十卷詩特
全豹之一斑耳君豈欲聞之耶二君頓改
謝卽促予默錄數篇記誦而去嘻詩之感
人者深二君地距千里未識長谷而聆音

契慕若是知古稱李庶子樂府一章購以千金不謬矣間嘗與長谷論詩大旨長谷每稱取材漢魏音節以唐爲宗二語爲確論且曰爲詩者大都以愁思忽至古樂難期不得已託之達情宜鬱適志興懷云爾豈必語於爭鳴哉今稿定繹其言以讀其詩信長谷不我欺也雅音雅節不與流易體以誇多正軌正聲豈其甜熟家而鬪靡

雖卷帙不繁而歌行樂府近體竹枝準古則公幹升堂抽秘亦陳思入室花晨月夕寄託情深旅館客舟吟唾韻遠別裁錯出宗法多家五色並施八音間響等文通之雜擬誠行卷之奇觀未始以集隘爲長谷病况紆金鑿玉黃陵鷓鴣倚樓長笛已豔賞於前而抱壁握珠重陽風雨楓落吳江又膾炙於後哉予時以慈命舟車越泗往

來南北每旅况寂寥時取長谷遠鄉秋及
臨江旅次諸篇吟誦數過真所謂伊人宛
在情懷如覩奚啻牕間晤對也今秋歸詢
知稿未付梓願敘鄙語於卷末未知有當
於長谷否長谷雖未以予言爲重予用是
亦聊抒舊雨之思云道光二十有三年季
秋月下澣同邑硯弟芸齋李憲訓拜書

題詞

古歛潘東甫

世鏞

陳長谷古體詩有冲澹有豪放近體詩有
縝密有清奇惟樂府數十餘篇尤爲擅場
詞意出新音節入古春色朝霽秋聲夜涼
使人讀之可歌可泣而作者方振筆揮灑
所造得諸自然斷非襲貌爲古者可比甲
辰六月立秋後二日書

偶有軒詩鈔

題詞

古歛潘桃溪

承恩

長谷賦性倜儻蓄志典籍耽逸趣遠浮囂
遊覽所及歌詠隨之浸淫乎漢魏胎息乎
三唐胸中無俗塵久矣詩其一斑可見者
也甲辰重陽前六日書

古歛汪在蘭

晚

長谷古體詩重音節其妙在抑揚抗墜之
間近體詩尙整嚴其中寓縱橫排奐之勢

樂府措辭敘事可倚聲而歌絕句節短韻
長殆含情欲訴有體皆具無美不臻其興
酣落筆情至刻入處竟鬚眉活現見仙吏
之化身唇舌鏘啞聽清聲於滿紙詭麗傳
不朽之業真精畱不死之身况多名言格
論爲詩家首重正聲令人懲創感奮不置
時推名士應然

貴池陳旭江

之珠

偶有軒詩鈔

題詞

二

此老文章著令名早年樂府動三京

詩集
舊經

胡內翰賞音
刑著百餘篇

思周天女衣無縫句鼓風霆

字有聲老向桃源忘魏晉閒遊閩水過春
城唾壺敲缺聽詩韻賀監琵琶子晉笙

辛酉余月下旬日題

秋浦唐寶臣

幹年

新安秀蠹黃山岡白嶽峻嶒閩水滂山盤
水澳聚靈氣鍾毓英才秉性良先生應運

而誕降。髻鬣器骨已非常。品端學博文瀾。
闕弱冠名高。入膠庠。棘闈鏖戰開文陣。登
堂拔幟應飛揚。年當立境功名淡。富貴視
等浮雲忙。徘徊躑躅高人軟。翩然名士權
回翔。築居山館。囂塵遠。間耽翰墨娛文章。
山經地誌皆稽及。稗官野史都參詳。最嗜
陶韋風味永。還忻李杜光芒長。建安格調
長慶體。揮毫落紙掃秕穢。樂府七十篇。音

偶存軒詩鈔

題詞

三

節何琳瑯。古詩廿餘首。風骨尤老蒼。近體
高華兼典貴。有時冲淡入微茫。錦囊有句
多成漢寶集。無篇不是唐。三十年來精力
在。餽餽大部誰頡頏。嗜古自來招物議。虬
蟬撼樹何容傷。放開巨眼眞豪蕩。抒寫中
懷足徜徉。盥薇甫讀開茅塞。三復吟哦愈
芬芳。拍案叫絕非凡響。仙樂笙鏞鳴鏗鏘。
倘非天才勝學力。殫安能集山川靈秀編。

毫一舒胸中之錦繡而吐口中之鳳凰

辛酉立秋後二日題

古吳陸巖隈 克明

貧來酒近醺時少亂後詩當老更真不是

四端飯法誠底因錦段競傳人宋新安方虛谷先生

論詩曰詩人世豈少哉而傳於世者常少

由立志不高也用心不苦也讀書不多也

從師不真也喜爲詩而終不傳其傳不傳

蓋亦有幸不幸而與必傳者必出乎前所

云之四事長谷詩有體法主氣格一時推

陳樂府自亦出於前四事茲更得兼讀晚

偶有軒詩鈔

險踰分有喜敢於諸篇

尾略繫小註以誌賞云

辛酉長至日題

...

偶有軒詩鈔分體合編目錄

祁門陳鴻猷維嘉

卷一

樂府五十六首 新樂府二十八首

卷二

五言古詩七首 七言古詩十一首

五言律詩五十二首

五言排律詩一首

偶有軒詩鈔

目錄

卷三

七言律詩七十五首

卷四

七言律詩五十首

五言絕句十七首

七言絕句五十五首

偶有軒詩鈔卷一

祁門陳鴻猷長谷

樂府

古從軍行

龍沙馬骨寒日暮
蔥山雪寶刀事煙塵
番軍夜流血黃頭奚兒入寇邊
將軍營幕屯祁連
偃戈夜劫單于帳
蒲海冰過百丈堅

塞上曲

偶有軒詩鈔

卷一

樂府

一

年少始從軍八十鬚如雪
努力報國恩不忍傷離別
賀蘭女兒出番城清笳一曲解
長征日暮聽歌腸欲斷
故鄉山向塞垣生
俠客行

幽并遊俠客腰間鐵蛇橫
三尺跨步過都門
直到長衢摩大宅
主人延客升座右
錦爛帷舒氍毹厚捧觴
選妓侑管弦
主人前致千金壽
華燈何煌煌
杯闌夜未央
慷慨

氣如虹，寶劍凜秋霜。昂藏七尺軀，老死憐窮巷。報得知遇恩，凜凜大義乾坤壯。訪實主人警，計道去西頭。把劍辭金捷步出門，不少畱。

巫山高

羅帷金粉何飄揚，十二樓頭蟾兔光。雙瞳盪盪剪秋水，窈窕巫山春恨長。春山夜半游絲冷，桐烏啼散黃金井。珊珊響珮迎君

偶有軒詩鈔

卷一

樂府

二

王寶扇雲移九華頂，九華羽帳芙蓉開。湘妃楚妃絃管哀，金鑪暗暗濕雲雨。湘水東流西復回，雲母窗前橫北斗。葡萄醖綠奉君酒，鷓鴣滿酌玉山推。鷓鴣雞唱白天門柳

長相思

長相思，長離別。邊月無圓時，邊花長不謝。

叶

月如圓花如謝，應憐鏡髻絲。今變隴頭雪，月如圓花如謝。應惜銀牀淚，疊疊紅冰

結龍堆馬邑祁連山代北樓蘭隴西驛一夜
珊瑚枕上遊歷亂辛勤對誰說黃鶯百嚙
曉簾開那解玉樓腸斷絕

隴上行

隴中流水流如練隴頭行人帶羽箭隴上
霜淒月欲低三更思婦愁不見明朝雨雪
復漫漫遙望烏道何盤盤

漢宮秋

偶有軒詩鈔一

卷一

樂府

三

仙仗迎西極千官拜冕旒涼風生玉几芳
樹動高秋葉下金梧影波澄水殿樓班姬
歌月夜團扇正吟愁

征馬嘶

近體作樂府題遵郭茂
倩樂府集例列樂府中

天廡稱神駿將軍萬里程霜高驅早角電
掣過荒城候陣鳴邊月驕嘶躍柳營孫陽
念垂顧辛苦足平生

塞下曲

萬里黃沙漠奔風散馬蹄秋高南雁盡回
首玉關西

昭君詞

馬首去不回風沙大漠開至今窺塚草不
似李陵臺

公子行

別殿承恩拜太常金章玉珮爛齊光花間
蓋學飛鸚鵡雲裏笙歌弄鳳凰緩轡銅街
彈却羨雙鵬落北邙

秋閨思

金剪生寒秋夜霜隴山風急雁書忙十年
征戍鄉關遠何處關山望故鄉

猛將行

城頭曉角月彎彎慷慨長歌出玉關直到
軍門提一騎生擒吐谷度陰山

戊客還鄉歌

數載邊樓月，千回到我家。殷勤問鄉信，無

語海西斜。

解一

高樓柳復萋，夜夜烏啼應。知赦書下鞍

馬，起關西。

解二

雁塞春煙紫，金戈海氣黃。經過陽羨北，重

拜斬蛟郎。

解三

入門拜阿母，瞻望再生天。阿母但垂淚，欲

偶有軒詩鈔

卷一

樂府

五

語意茫然

解四

空城雀

空城雀，夫何爲。飢不能啄鸚鵡粒，倦不能

棲鳳凰枝。摧頽毛羽日，襤褸攜爾黃。雛淺

草飛，空城雀，夫何爲。荒荒黃蒿古梁都，君

今出語一何迂。我生亦有命，西侶鷓鴣東

友鷓鴣。安能離哉，高飛去蓬壺。况乃館娃

火宮燕，田家少婦打慈烏。螳螂樹下懸金

彈鏤鐸校苑秋射書何如朝飛暮城宿杜
宇花開蘼蕪綠春啄飛蟲遊饜飶亦梁肉
秋卉子離離不犯太倉粟今朝黃口四雛
飛他家富貴非吾欲嗟君感我一何愁君
居陋巷不堪憂

短歌行

無辭畢卓杯莫鼓阮咸琴琴聲悽怨愁吾
人還調嵇康絃莫使劉伶酒安得十千兌
偶有軒詩鈔卷一樂府六
五斗琴亦不復彈酒亦不復沽不如歸處
南山廬耕有餘閒時時還讀我再生書煌
煌圖史不我誣人生年命盡須臾空向步
兵哭窮途

出塞

秦州猛將軼羣才古樹霜黃絕塞隈
閉日戈旗臨渭水大軍鼓笛出靈臺
伏波銅柱蠻荒立李牧貔貅號令來
此去烏思略西

極重誇拓地靖邊埃

莫愁曲

莫愁石城女石城莫愁家羅屏曉雨濕枯
荷南湖艇子北湖搖

妾薄命

盧姬小小升瓊軒魏主徵歌侍玉樓倚馬
鄴都才子貴掃蛾銅雀美人愁楚妃緩按
清湘夕鴛瓦涼生碧殿秋垂老宮人重遣
偶有軒詩鈔一卷一樂府七
嫁一枝英落大隄頭

古宮詞六首

月下長門暗風涼永巷秋歌鐘歡未散君
在景陽樓

月夜山莊妓漢家宮裏人君王如厭故甌
水已添新

楊花歸渡口淥水刺輕舟連臂歌聲起烏
啼月滿樓

落日照荒墟周師短兵接不看晉陽城只
望君王獵

玲玲千管玉貢自范陽曲北苑教吹簫宜
春宮樹綠

梨園三百人拂袖髣雙絲罷舞月輪高當
筵歌大曲

朝別一樽酒

朝別一樽酒仗劍出門看徘徊中路側恨

偶有軒詩鈔

卷一

樂府

八

失故人歡繫馬垂楊樓北郭望風竿樓上
美人歌手擘箜篌彈怨作商人婦紅淚橫
闌干白日忽晚晚顧影殊盤桓引領悵前
途疎林楓正丹珊鞭雲外指疲馬鳴風寒
丈夫重功名處身良獨難豈作兒女輩別
淚長珊珊

古曲三首

白紵初成辟聞歡有遠適白紵行裁衣客

遊歸未歸

盟津河水直千里不一曲可憐雙鳧鳩獨
取此水浴

十載相思樹聞名惜枯老上憶合歡枝下
憶同心草

遙夜吟

淺引湘江滴酈醪仙娥夜傍天河宿紅淚
文姬玉豔寒白頭苦調能獨彈

偶有軒詩鈔

卷一

樂府

九

生別離

朱輪不轉轄淶水不通舟名都佳冶地兇
壻何能遊

相逢行

朝望楚山頭暮宿長安道長安多故人相
看就衰老

估客

江波渺渺草平湖估客帆檣落照孤歲久

不識故鄉水殷勤敬問鯉魚子

大堤曲

大隄女兒對門居西子晨粧未得如同遊
女伴高髻梳翠鈿金雀垂璫珠齊紈蜀綺
繡腰襦窄躡五文之絲履緩轉七采之香
車蘭芳麝馥隨風俱十五五盈路衢凝
眸歛笑棹重湖菱舟蓮艇搖萑蒲繡簾歸
戶月方初左顧頰指勅中厨玉樽瑤爵正
華蔬吳絃趙瑟秦箏等醉歌商徵倒金鳧
開顏發豔正敷愉爾時心意猶未舒已費
十戶中人租郎自年少未解意却喜重逢
謝娥至不見年年隄路頭陸郎金盡蕭郎

愁

湘川新曲

湘東有大宅柳葉圍重陰日射雕窗迴風
迴秘院深繡柱連朱楯瑤房疊錦衾層階

蹲玉獸仙卉語珍禽中有鄭交甫懷之以
好音自聽妃靈絃瑟後閉門長掩綠苔侵
別離曲二首

郎到廣陵遊儂辭長干樓八月還楊子相
望楚西頭

秋風入閨闈妾夢紅羅帷廣陵潮已落又
隔楚西期

竹枝詞十首

偶有軒詩鈔

卷一樂府

十一

鷓鴣啼唱鷓鴣愁蝴蝶飛時郎出遊門前
折柳送郎去木棉花落郎馬頭

荷葉生時儂出城荷葉枯時歡進城儂別
歡時儂情在歡別儂時儂恨生

白帝城頭草芊芊赤甲山下雨綿綿勸郎
莫向臨邛住蜀江今買阿儂船

廣州城中荔果肥廣州城下秋螢飛一擲
黃金感郎意十斛真珠買妾歸

妾到汀洲採白蘋。白蘋風起愁殺人。汀洲
一去一千里。感郎秋夜渡江濱。

姑蘇城頭日欲低。姑蘇城外楊柳齊。吳儂
兩槳橋頭渡。吳姬嗔嗔一聲啼。

一尺湘江一幅蒲。江蒲搖月月升初。小姑
嬌小有憐意。憶俺遙住巴渝湖。

嚴灘夜上浙江潮。杭城二月醉花朝。妾喜
弄潮潮有信。易涉春江水一條。

偶有軒詩鈔

卷一

樂府

三

姊妹招邀伴採菱。蘆簾停結網魚罾。待買
羅巾街市遠。暫縫三尺葡萄綾。

黃鳥攜雛低怕人。勉輸官債欠三分。斗粟
盡空愁權算。開箱暫典舊紅裙。

里中採茶詞二首

家住祁山西。復西種得春茶芽。已齊五里
山頭三峻嶺。阿儂生小熟高低。

桃花錦浪豔。陽時女伴溪頭唱竹枝。採罷

香芽繭蛾出出兌杭城五月絲

代樵父四時歌

嬾向春風散馬蹄時肩薪棘過邱西歸雲
鳴落花蹊下擔聽來黃鳥啼

飽食無憂老鶴肥風生斧子破煙霏女蘿
帶薜荔衣一聲樵唱隴雲飛

滄桑感變未移時懶把樓犁耕綠陂斲桂
柚伐椒夷西風林壑餐香脂

偶有軒詩鈔

卷一

樂府

三

列岫柴門生遠陰高低野燒枯桑深晴雪
澗曉霜岑便數梅花過野林

陸克明云以上諸篇所擬半是漢魏六朝
朝僅揣摩唐詩者則解聽不解賞也

古歌三首

擬富江挈家避秦歸楚山經嵩邱

道遇執友張良亡命賦邀隱歌

穀則蕘農隋而不治羽族高飛時憂乎虞
罹予懷陵谷伊楚水之涯三之日四之日

行與子同歸

擬張良領富江邀隱歌低徊不能

從富江賦別歌

嵩山之麓兮厥草惟黃棲鳥巢林兮厥木
惟梁子兮子兮顧予而彷徨予心傷悲兮
念子躑躅於四方指洛川之日逝兮波江
海而流長齊皓首以爲期兮得偕處乎故
鄉恨遭時之偃蹇兮獨躊躇而失夫雁行
斗兮月有光懷佳人兮不能忘

擬富江棲楚山百二十有五歲跨

鶴上昇臨去別子歌

南山有堂卉木其芳我有似續蔚乎蕃昌

一解鳳翥高梧啄我竦筵霄漢中流有懷故

二解都老鶴元羽集於屣屣瞻望弗及寗崙

三解之陂驂彼六龍憑虛御風靈龜太妙歷

閨闔而相逢四解

右三事無明文
就傳奇中擬之

陸克明云擬周秦樂府自別漢魏聲口
格律更無論六代三唐長谷詩學尋源
溯流于此
亦見一斑

新樂府

鴉片煙

烏鴉踏沙啄人腹千歲髑髏昏雨哭河邊

殺癩藁一束煮得鴉片天下毒匡門山外

偶有軒詩鈔

卷一

樂府

五

海漫漫番舶揚帆巨夕渡煙箱百隻艙當

中易得漢金千萬斛漢中豪客意氣驕青

樓女子多妖嬈紅燈繡幙排銀管淺盞琉

璃覆蘭膏玉碗盛來琥珀暗金籤剔起露

珠燒雲母牕前盤曉霧珊瑚枕上橫春簫

簫管無聲夜拋起朦朧暗障雙眸子按候

相思息不得那惜千金擲闕市蕩產離鄉

累里閭腰肢瘦削皮肉死饑來厭食人間

粒涕淚沾巾菓品喜豈知
條教殊煌煌
關津都邑長隄防爾等不知蒙
帝力

翻言夷鳩多芬芳凋金做賄蠹闐闐一鏹
回錢百千強頓令鯁正天下士丞相懸鼓
擊中堂

陸克明云樂府擬古制也貴逼肖古人
不肖不妙故皆用古人樂府題有謂今
時人不作此等詩者誤也新樂府者言
時事也故不用樂府題然亦間有用樂
府題以作時事者謂詠近事詩不得言
樂府且不解新樂府之謂者由未見郭

偶有軒詩鈔

卷一

樂府

去

茂倩樂府集也分樂府古詩者謂樂府
古直古詩委婉此出近古之例若詩經
則三百篇皆樂府無所分也長谷此集
編訂較若列眉原不待予贅耳故吾謂
長谷詩皆有體法爲
千古有目者所傳賞

從軍行

丁酉
夷亂至京
予暫游江幕

夾岸旌旗江路長二磯雲樹夜迎涼清笳
早吹聲幽咽韎韜寒凝劍尾霜

吳下凱歌二首

大海塵飛日色高將軍鼓戰逆輪艘番首

十萬皆俘虜，亂斫營門血洗刀。
捷書北上覲，龍顏卅萬貔貅宿故關。
躍馬陣門齊奏凱，天開麟閣引軍還。

經北里反三婦豔詩二首

大婦舂黃梁，中婦採殘桑。小婦摘瓜菓，迎
祭馬頭娘。丈人出戶立，斜日下牛羊。

大婦然苦竹，中婦補茅屋。小婦獨採薪，野
火山頭哭。丈人荷鋤來，呼童牽黃犢。

偶有軒詩鈔一

卷一

樂府

七

南村婦質子行

孤雲獨無依，遊子無還期。粵東烽火連三
月，數萬官軍候鼓鼙。昔歲買珠出合浦，只
爲衣食奔馳苦。上堂辭老親，頽頽再四覩。
下顧黃口兒，牽衣未得語。今歲老親病在
床，寄書不得達南溟。親歿衾櫛無由措，泣
血還顧兩兒郎。兩兒號飢齊慘愴，古韻庭前
綠樹色淒涼。銀河耿耿夜何長，寒風凜凜

天雨霜桂子吐馨蘭不芳大兒薪水隨我
傍小兒攜典黃家莊黃家翁年八十一抵
几聞言心暗恍白晝當階給錢帛下階呼
兒還銜恤別兒歸來悄入戶更深四壁繞
陰霧此時此夜無人意妾腸寸斷達天曙
哀被粵寇難行

銀槍長櫂搯鬣芒紫金毒蟒爪牙張寶璫

沉霾霹靂荒鬱林狂狐驕跳梁瘴雨茅煙

偶有軒詩鈔一

卷一

樂府

七

驅犬羊蠻榛狔莽鼓封狼封狼鼓鼉鼉鼓
羆武昌城郭漢陽隄擾擾煙塵紛毒霧萬
家烽火岸東西艤艫蔽江涉江水潯陽舊
郡蟠螻蟻彭蠡湖中煙銷風小孤山下鯉
掉尾茫茫沂浪渡江關皖山皖口又豺獍
都堂署內鳴刀赤百子巖前戰血殷賊軍
分股據賊目江舟大隊下江南南省高墉
雄萬堞地雷震墜赫然越長衢夾巷達天

宮妖狐怪鼠紛成列紅巾赭服貌獍獐六
街蛇矛落如雪傑閣凌虛烈火焚千門萬
戶血紛紛六朝煙柳殘朝岸二月鶯花冷
夕曛繡苑錦洲營蟻壘瑤房金屋貯狐羣
風塵瀕洞馳北騎錦帳將軍徐按轡蠻觸
漫敵夜郎兵高築鯨鯢燐滿地剩卒幾人
眊聵回從此賊兵無鬪志紘紘南擾小煙
村虜貨搜山劫掠人劫掠無遺火房宅相
偶有軒詩鈔一
卷一
樂府
五

率荼毒殃生民嗚呼火房宅殃生民南地
人人爭避秦可憐避秦人窘憊竄伏流離
眞破膽一聲警報便倉皇全家病弱齊奔
喊踉蹌荒榛隱深棘視息呻吟都不敢兩
霏霏雪霏霏連日無食復無衣旦暮寒淒
重苦飢忍冀此身僅免之寇退煙銷相問
訊老幼淪亡宅舍墟基腸斷悶絕血淚橫
淚噫吁噓子山漂泊王粲無依道訪窮棲

之鶴市幽尋嘉遯之雞陂淚漉漉涕漓漓
少陵拾橡谷裴翁種藕池哀蛩絮秋壁怪
鴉啼春枝愁吊親朋思舊墓蒼蒼髯老七
年時時逢樵隱者高談空谷悲滄桑世變
總如棋志士綢繆宜息影王孫纏綵且未
歸聞道官軍吹戰角元戎取次進雕旗不
日倚馬書露布詔書南下收兵威

萬年天子德化羣黎下土永享治平期

偶有軒詩鈔

卷一

樂府

三

放歌行八首

棘楚苗亦微蕢蔬菜亦稀乾坤具生意良
楛念同時忽忽飽春雨榦長枝欲舞樂子
之無知顧瞻不忍斧涉夏復經秋稜刺老
如鉤出人怪黏觸碎衣裂膚血迸流吁嗟
乎棘楚我修文德爾用武不與我爲伍已
焉哉蕢蔬予困予執迷伊戚實自貽自貽
伊戚兮而究復何辭

萱草味忘憂菩提子無患我食萱草花百
憂總不聞我佩菩提子患難聯珠串草木
豈足恃世故等漚幻變態層不窮時時競
裝扮士生百年內多爲眾所訕至聖如周
孔尙被侮且慢而況我區區魚游水汕汕
自立果卓然何妨憂患縮生於憂患言孟
子類譎諫佩服終吾生逍遙雲中雁

中夜讀書幃挑燈蛾撲衣紛紛觸燭死都

偶有軒詩鈔

卷一

樂府

三

因附炎趨熱一歔歔蛾兮蛾兮早知曦陽
空界三十五萬七千里何不隨閒雲孤鶴
處處翱翔自在飛而獨拌身寸燭沒影於
燈婢燭奴果何爲

不因眾流不歎滄海遙不因羣阜不知泰
岱超滄海豈誇廣泰岱豈鳴高高廣不自
計積累自可操高廣不自詡觀者目爲豪
區區一得者等量惟弁毛一得用自好嗤

嗤蓬與蒿未知業優劣功淺功深等差按
列不爾淆

冷灰伏宿火不戒一星紅然然復熖熖中
夜燧東風焚煬奮赫烈黔山赭野一燒空
君子貴修立小德或出入營營少懈弛百
慮敗一失事後費尋思前車堪惴慄嗚呼
高可攀堅可鑽古來競歌行路難

劉勰謁休文鮑昭造義門稱各期沒世議

偶存軒詩鈔

卷一

樂府

三

者尙紛紛杜老三獻賦韓公三上書所志
在救世不失爲大儒奈逐邾婁子止希利
祿美巧宦與夤緣羶腥多附螻低靡齷齪
求妻妾相羞鄙人生隙過駒年命無多紀
何如守一經韋布老閭里

笛倦桓伊弄鼓怨正平撾安道碎鳴琴陸
羽辱烹茶擇術豈不倖擅絕竟咨嗟怡情
貴寄意歡看鏡中花元亮亦援桐無絃得

獨誇

陸克明云理語成詩歷代操選政者所推重以其切於修省多見於葩經也故爲集中之高骨

孤雲行孤雁鳴孤風肅肅孤霜盈孤月皎
孤霧橫孤江淼淼孤帆征孤燈澹孤客驚
孤劍起舞孤夢醒天蒼蒼海溟溟白日欲
動不動倏忽改我鬢毛青人生年命如朝
露逝波東流不會停嗚呼先我者往後我
者生先我後我皆不見同人無數會面鏡
中恰與我同情鏡中同人形似咎我不靈
似恨我無成我不語君無聲我欲呼君望
九重而並叩太清

陸克明云此得
放歌行神理

誠思

主身以心其司在思彼思富貴彼思書詩
詩書致思思終得之富貴致思思多我離

久思必鬱得旋解而失不可解殞命在茲
經師多壽古訓是貽思之爲宜富貴在天
聖言垂規多思何爲

辨惑

抱病求醫醫理難知必云無醫治驗多奇
必曰有醫君子不爲君子不爲老醫知之
解一買山葬骨骨殖瘞斯瘞云吉兮神天之
司瘞而不吉人力難移天人之間君子深

偶有軒詩鈔一

卷一

樂府

二十四

思二解醫寄死生用心謹厚地兆興衰動輒

有咎醫師多呂嗣地師非比耦三解辨命誠

靈詎云極至孽產同時一榮一悴受命惟

賢持命無志四解相彼君子習焉詩書敦以

宿好誠不有誣衆人有託吾獨閉廬卽理

愧通識所獲詎必虛五解

里居桃源八景十首

武陵桃花源昔人謂是陶公羲皇

之想予先人以里居境地髣髴之
借以名焉蓋亦賞其旨矣向里人
於中賞志八景今尙歷歷可數予
菽麥之暇謠歌如左敢瀆聽於諸
君子云

落雁山

落雁山者蓋峽口中低阜排揭
向里有尾翼俱繞山有平田數
頃平湖落雁指不謬矣
傳以鷗鷺山者古誌也

偶有軒詩鈔

卷一

樂府

五

整陣拖歸紫塞煙窮荒孤影落霜前長城
斷鎖邊華路邃壑空驚矢繳弦洞狹有光
縈宿莽天開平陸繞林泉碧桃紅落不飛
去愁絕人間滄海田

古柏

古柏植根南里側左古不知年
竊翠籠陰高柯倒景環抱幾人
其下廬舍環集自上世
居里蓋以古柏名焉

杈枒老幹撐青空赤斧蒼梧累代翁鸞鳳

宿樓將數子。幾回叫出扶桑紅。扶桑日出
東郊曙。里人春種藍田玉。日暮歸來雲隴
深。炊煙起繞丹邱樹。

石鐘淙

石鐘淙者蓋僻石嶙峋中有盤
渦激漚攢衝聲如玉漏淵鐘亦
細如瓶笙商韻滌瀧斷續不絕
聆音既久漸怪湫底龍銓仙林
鶴唳恍惚遇之其諸鯤絃懈作
鑿金泗石特人間娛耳爾安用
居峽梁者

偶有軒詩鈔一

卷一

樂府

三

峽口虹橋曲鐘淙玉韻長。銀河鳴錦村洛
浦響珠璫。金母瑤池奏。湘靈寶瑟揚。琤
長不斷終引鳳歸昌。

椽筆磴

椽筆磴者蓋裏峽橋頭圭稜峭
石柱豎五峯高二仞有奇巔末
嶮嵯狀肖筆床枕一長石復肖
管城侯鉅鋒透露俯對溪流極
天然文竇矣愛
翫者古無異辭

中書君狀石龍峯架壑支峯古磴中點注

清溪依洞口。夢花垂露豔。東風

玉印磯

玉印磯者蓋積漱成潭挺生磐石一方縱橫並七尺三寸面皴紋理蝌蚪龜鳥文跡儼然近裏居百餘步觀者異焉

蒲葉搖珠輝。潭波帶圓折。貝闕守蛟鼉。瑤華字不滅。

緋桃落印泥。荇帶拖青綬。篆籀古貞珉。阿

誰懸肘後

偶有軒詩鈔一

卷一

樂府

七

甲字石

甲字石者蓋夷石磅礪平眠澗口長流涵礧踰石出谷繞跡縱橫成甲字文林木幽陰晴禽時啼綠蒲搖漾涓鏗有聲多愁翫不忍去云

砢砢溪澗石。上有蔦蘿陰。偃卧空山阿。天地隱大文。川流字不滅。好鳥時一吟。清泉噴幽響。綠樹聽鳴琴。之子亦云遠。谷風吹我襟。

仙人履跡石

仙人履跡石者蓋山麓連溪石成片壤上有杖履跡古稱仙跡

良然

玉女銀瓶牽素纆憑虛來往華山頂流落
人間幾度春昇飛巖曲鼓清琴

溪落雙鳧溪水清溪邊杖立玉光生仙人
來時雪滿汀仙人去後跡分明萬里蓬瀛
君獨征不動人間別離情

偶有軒詩鈔

卷一

樂府

元

源井

源井者蓋泉流濫觴處有石罅一規寒泉淵冽闌端井文並具天巧向以天井誌源省所思索矣獨鑑洞虛徹者始喻元妙

不住景陽宮謝彼棲烏桐自親山月白迴
磴鑑凌空峽裏應知有人事不唱人間休
洗紅煙幕歷雨冥濛桑麻數畝白雲封村
婦汲小姑春蠶眠麥熟叟扶筇初秧早稼
愁無水夜聞白鼃鳴東風東風起鼃不聞

偶有軒詩鈔卷二

祁門陳鴻猷長谷

五言古

擬王悔生夫子灼答張臯聞原韻

鴻鴈來南飛，四顧何徬徨。遠攜一紙書，投我壑東廂。觀書起徘徊，嗟君歸朔方。君行踰十年，顏色不相望。苦哉邊地人，鐵衣飽雪霜。苜蓿多烽煙，駑馬嘶枯葉。昔爲同袍友，今爲參與商。報書往邊地，道阻悠且長。何以慰相思，蘭澤多芬芳。與君結同心，皓首共相將。思君長不寐，夜夜高臺涼。

追述先叔父虛舟公疾日

嚴霜十二月，晨起促行裝。東過山阜嶺，殘月猶餘光。何因凌曙往，叔父病堪傷。延醫還採藥，訖卜陟高岡。醫年七十餘，歲暮却我行。藥市愛高價，酬貲罄我囊。詹生不輕

卜既卜示不祥迢迢百里間旦夕自奔忙
歸來見治木淚下沾衣裳掩淚不敢問懼
聞歸帝鄉趨戶失聲哭驚起病踞牀慙慙
問誰來握手認兒郎牽衣拭我淚不言醫
與方但言非金石那能長壽康我有一紙
書遺爾重秘藏書中蔽一言積善有餘慶
士有不得志

士有不得志駕言還故鄉故鄉渺何處新

偶有軒詩鈔

卷二

五言古

二

安江水長游魚出深沼白石釣滄浪桃溪
復清淺輕舟泛夕陽八月蘆葦花沙根蟹
眼黃漁人入浦漁秋風共客嘗落日照溪
屋西樓月有光幽棲倦飛鳥歸去何所望

南州士

古人所大患患善未能行今人所大患患
在不好名虛名古人耻虛利今人爭古人
今不死今人古不生南州有一士聞言心

自驚似醒千日酒如覺夢鐘。眩俯仰上下
間。愴然淚欲傾。生於今之世。須志古爭衡。
不志古爭衡。沒等煙草輕。一身藐區區。日
車迅不停。冉冉流光過。荒髦將何成。生無
高世行。死復誰傳稱。無怪首陽餓。夷齊踵
並登。無怪易水歌。荆卿去秦庭。雖非至聖
詣。凜凜大義明。聞風百世下。感慨有餘情。

讀陶淵明詩

偶有軒詩鈔

卷二

五言古

三

讀書且未易。立言良獨難。所樂非窮通。所
懼非飢寒。衰榮無定在。道勝無戚顏。

四句陶詩

至哉陶公言。修士凜金丹。士無高學識。鴉
噪於詞壇。腐儒守章句。何用琢心肝。對此
入神語。誰不起長歎。或言有真趣。烏知出
處端。仕止期適可。言詞寓託寬。品推聖門
弟。峩峩六代冠。

古今讀書士

古今讀書士志趣不相謀。一爲造詣重。一爲功名求。造詣之士真篤志奮潛修。偃蹇於空山。衣衾無紈裘。飯茹甘葵藿。盤豆無珍饈。幽屏萬累紆。於古獨神游。習經讀諸史。賦詩探歌喉。燈鷄力不衰。雙髻絲漸投。冉冉老將至。著作出窮愁。承先傳絕業。接引上層樓。所懼非飢寒。責己勵冥搜。戚戚心焉滋。耻弗古人侔。得與古人侔。恬然樂首邱。功名之士苦造詣。非所取富貴。櫻心肝。榮華營肺腑。患得旋患失。百計相迎拒。託言志在道。衣食耻惡腐。藉口譚詩書。取利之媒語。甚或飾造詣。襤襪著述撫。文言漢馬遷。詩擬唐杜甫。嫫姆滂衍嫁。羣噓聾與瞽。更或慮誣譽。呂氏春秋賈。盜名冀欺世。肺肝誰不覩。利慾偶不遂。怵然色便沮。之子求利達。妻妾泣相聚。之子使從政。斗

筭不算數營逐以終身士習何云補不聞
楊太守辭金四知憂不聞吳隱之試酌貪
泉流今古循良吏載籍紀述周維彼子建
言仕進中人儔高尙不求仕筮仕須學優
王霸棲隴首陶潛歸田疇可仕復可止進
退並安軌鼎鼎百年內隙駒不少留何不
策高足造詣風千秋千秋重學業大著仰
殊尤芳名垂宇宙里巷盡歌謠立言誠不朽

偶有軒詩鈔一八卷二 五言古 五

俎豆萬古酌徒希利祿美多士等蚍蜉齊
景千駟死稱道奈無由何如造詣士塚墓
傍山郵

陸克明云讀書士處貴造詣仕貴循良
爲邱山不移之論而承先啟後之業非
著書無以遍及長存於寰宇爲出處所交
重者篇中傳絕業循良吏數語及之夫
詩與文一也文莊諫詩譎諫昔賢謂莊
諫不如譎諫故稱詩先於文若徒以炫
博學競聲
各誤矣

酒酣偶賦

十載干戈擾世路共踟躕世路雖嶮巖視
之若坦途泯我悵求心樂志於詩書詩書
寓至理妙解各有餘如陟泰岱巔心目豁
以舒浩浩乾坤大俯仰宇宙俱游龍吸滄
海軒轅攀鼎湖天矯盤空際茫然入太虛
登高賦新詩振響落雲衢甫焉開口笑拂
衣捫髭鬚回看萬壑峯杖底競崎嶇詭幻
有餘態終念鞠穹廬酒酣聊擊筑我心鬱

偶有軒詩鈔一
卷二
五言古
六

以紓願言思君子道勝將焉如

陸克明云右數詩皆着理語沈宗伯有
言詩貴理趣不貴理語若切事箴規又
當別論益有覺德行等篇已見於雅頌
也且詩尚變昔人謂學詩不變不進長
谷詩不作一
律是知變者

七言古

送葛五

孤鴻透空碧淺渚微霜夕倚棹共徘徊桑
乾遠行客漁陽城頭戍鼓沉居庸關外暮

雲深到日燕臺應莫忘今夜蘆花覆水心
春日送吳明府之襄陽任

君行襄水濱我送大道口但垂羊子淚不
勸山公酒山公醉倒習家池兒童拍手唱
銅鞮羊子墾田八百頃父老流傳緩帶衣
衣帶飄揚春服輕慙慙送君柳青青青青
柳映襄水清襄水清兮君政聲

鷓鴣山歌

偶有軒詩鈔

卷二

七言古

七

郭外有山狀禽翻翔舞偶
爾登眺遂率形似名之

鷓鴣山頭樵客歸鷓鴣山下行人稀高墳
嶽巖狐兔穴鬼燈遍挂枯樹枝回聽東林
啼謝豹不如歸去邱山眺雪海飛濤高接
天明朝揚帆弄孤櫂

春行行訪名嶽

深松綠筍椒邱客夜戴星娥割琥珀鴻龍
闔放東風青金衣公子啼曲陌霞巘嵯峨

洞髓酣青節老竹敲古杉爛柯石震錚錚
裂谿飭畫舞金雞冠豔骨狐窺白楊墓鬼
母啾啾哭陰霧碧玉玲瓏狒狒煙斑龍蹄
踏瓊芝露巖巖紅鏡東方東游絲紛墮嵐
屏風半剪瑤池刁峽水古波淺照天桃紅

陸克明云效長吉
體多有過肖處

江上古松歌

鏡崖道人江頭住呼龍呪作長松樹風吹
偶有軒詩鈔二卷二七百古八
老鶴下松枝道人跨鶴上天去不令龍歸
滄海淵却老江邊五百年珠光炯炯橫牛
斗摩挲雲氣直冲天

臨江旅次呈王明府

屨廊迢遞芙蓉遠松醪半醉玻璃淺白袷
桐郎北樓宿漏鼓寥寥更二點吳娘十五
顏如花一曲採菱歌婉轉紅衫錦幔背人
啼零淚冰絀茜初染

遠鄉秋

秋漏沉沉秋夜長東深促織鳴東墻中庭
寒月白如霜碧天如水驛雲涼銀河倒挂
梯橋梁客子淹畱在他鄉微風淒淒動曲
廊寒衾歸夢斷帆檣孤燈然伴遠遊囊中
夜思親老北堂憂來涕淚忽成行嗟哉白
髮倚閭望捲衣不寐形影傷

震湖行

偶有軒詩鈔一

卷二

七言古

九

龍威丈人騎白鹿南入洞庭走煙霧夕陽
紅照包山樹樹底爛斑搖寶璐紫文洞穴
禹書庫瘦蛟點畫老龍句丈人探出無人
悟邱山莫怨吳王墓

安樂公主山莊求仙圖

崑邱仙子瞳雙碧蕙圃春耕瑤草赤詔捧
皇娥朝玉眞飛寫人間傳神跡人間川月
杳茫茫披圖謾謾仙風香內家少小輕金

屋翠巘峩峩夏玉璫百道飛泉迎苑起仙
仗春歸翠微裏阿閣龍吟笛引高丹山鳳
繞簫聲紫霄歸鸞輅夜沉沉碧虛淪謫訴
上眞鑪煙不斷蓬山遠鳳簡交通閬苑深
蓬山仙母無消息閬苑青童招不得洞府
三官護金龍靈飛小妹停瑤冊霞帔霧幘
風颺颺月浪滿山凝不流魚梵依微壇影
寂星娥停織瓊窗秋綠玉枝中蛺蝶飛眞
偶有軒詩鈔一
卷二
七言古
十

珠裙帶小腰圍三更夢斷雲猶濕十五年
前春欲思憶別春宮幾索漠虛牕坐待容
華落蚌海新秋湧月珠天河瀉浪填烏鵲
只愁富貴如雲煙那知玉府壘嬋娟豔骨
沉埋雲母地香鬟零落金蟬鈿人間幽夢
共流連華胥夕影晝堂懸鴈塔幾層惟命
達幾人渴飲岑山泉

落葉歌

高秋氣蕭蕭淒淒哀鴈孤飛鳥夜啼眾葉
隨風下喬木蕭騷衰颯紛山蹊上林紅落
騰宮井韓氏夫人悵霜冷五字詩題流御
溝三秋宮怨漂萍梗蕭蕭闔塞吹征衣戍
角邊霜軍未歸飄零三徑亂鄉夢搖落千
山悲夕暉千山搖落尋詩思最是疎鐘歇
蕭寺颯沓滿溪松逕迷彫飛無樹秋聲寄
詞客回望秋浦雲沙定波流掠斜曛蘆花

偶有軒詩鈔

卷二

七言古

十一

冷月添瑟瑟野艇無人徒紛紛况復征人
憂旅寄秋盡關山正迢遞臨風晚荔隨歸
雲帶露曉沾灑別涕可憐寂寞歌離亭祖
張樽前酒正清紛披馬首嘶長驛歷亂霜
前老客星別有少婦思晚閣聲淒鴛瓦燈
花落壓線帷前慣飛來搗衣砧上還蕭索
處處狼籍盡徘徊秋來秋去任風摧無限
歌吟亂愁思傷懷宋玉已生哀

吊舜溪汪親母李孺人

桂芳

被難罵

賊殉節於其室

鬱林山頭魑嘯雨驅沙走霧迷南土南州
鄉井狀星羅七載排門遞兵戈歲在丁巳
月己酉我鄉寇盜衝林藪中有烈母李孺
人高堂罵賊手擎斗封婦之介真如石大
家之學難與偶百年定識會有神一朝臨
難免毋苟司農奮笏母奮臂常山矢舌母
偶有軒詩鈔一

卷二

七言古

三

矢口堂堂正正語琅琅語語大義循

王章冲霄一怒髮盡指手揮玉斗肅蘭堂
堂側無人誰禦侮紛紛盡室走羆兪擁劍
鳴刀血模糊淒涼金母駕瑤宇逍遙懸圃
路三千水淺銀河七十年星沉總帳悲黃
鶴血灑萱庭泣杜鵑恒河沙彌劫裏身千
珠萬錦喪如塵懷哉烈母殉節義岱宗喬
嶽屹嶙峋垂之青史風萬古母兮巾幗丈

夫論

陸克明云是篇制勝處前在封婦之介
四句按斷後在逍遙懸圃四句凝鍊法
密機圓特
見作手

偶有軒詩鈔

卷二

七言古

十三



偶有軒詩鈔

偶有軒詩鈔

夫論

五言律

送客遊

驅車千里道已足
別離憂况共關東
估送乘海外舟百蠻
看落日九野歷荒陬
尊酒重攜手何年夕
照樓

貧居

薄鋤萊子地疎種
仰平仄陋巷車無跡
窮廬雪有花
山妻晨理秫
風雨晚收麻
懼在

偶有軒詩鈔一

卷二

五言律

十四

饑寒外陶公訓語嘉

書適

田園休暇日適意
竟如何掃榻拈詩韻
呼隣伴醉哦常時
避塵事一徑入煙蘿
手植往年樹今看
葢曲阿

述懷

生人俱事產何處
足生涯九衢車馬
逐十斛海珠懷乍
聞情易動回憶志
難偕原憲

何云病季倫終見乖

坐感

鳥翼休隨鳳獸蹄莫比麟
山紅緣映日水綠爲添春
劇暑風偏好初晴月倍新
坦懷殊自適爭奈欲如人

春日雜詠

垂老東風裏歲華感逝川
探春需節後望杏遜人前
野浦閑芳草深山叫杜鵑
日來思氣暖未肯竟高眠

偶有軒詩鈔

卷二

五言律

五

綠蛾

綠蛾還紫筍化體尙稱工
嗟我已云暮守株一以終
窮荒追廣野迢遞望晴空
俯仰快瞻矚何當陟岱嵩

哀金陵

山勢排龍虎臺隍陷兪緇
煙塵空瀆洞刀劍血模糊
曩日思王會前朝溯帝都
金鋪

憐汨沒古蹟悵湮燕

院省

世路莽荆棘舒皖多鼓鼙有山都策馬幾
處也聞雞新息神何在子儀父尙睨日來
消息杳兒女豈知啼

傷亂二首

頽廢多年病黥婁復苦貧何堪兵火後更
作亂離人書劍飄零日田園寂寞春無能
偶有軒詩鈔二卷二
五言律 六
張仲蔚閉戶掩荒榛
蕪沒故居後艱哉歲食貧白頭搔鬢短紅
樹看花新開徑憐求仲收關望寇恂何時
洗兵馬得路侶交親

聞大軍收復九江

長江九派水一戰具浮屍天險那堪恃寨
高終莫支潯雲低暮角陰鬼哭殘旗謀至
聞來喜近關已捷師

未喜殺寇魁

狂獠烽煙擾南中半壁天僭王誇彼號倖
馘獻斯年釁鼓血憂毒然臍膏惡羶誰遺
此寇亂白骨九衢填

鮑總鎮受降

蝸附歎神奇將軍屢捷師雕戈馳鐵駟黑
稍怖銅眉部尉收戎馬降王豎漢旗招懷
原國體紀詠有周詩

偶有軒詩鈔

卷二

五言律

七

懷胡毅坪太守

正仁

一官行去守十載莫相依春草萋芳泚秋
齋冷月扉兵戈殊未定踪跡久應違臨水
不垂釣鯉魚空見肥

途中

向月依山寺今秋渡水濱四民停舊業一
路作遊人野哭哀冤肉傷饑怨劫身無論
歸未得前路更黃巾

避亂江二丈山居贈句

矮屋傍崖空。柴門石徑通。
風吟松蓋曲。雪挽竹竿弓。
落落常懷外。悵悵妙悟中。
皖山居淨土。百尺憚孤桐。

五言處士

畫圖由莫致。先後兩幽居。
种放榮軒冕。仲先詠鶴魚。
儒門攻偽學。佛國護眞如。
泉石汾陰土。於今青史書。

偶有軒詩鈔

卷二

五言律

六

仙寓山

茲山信幽絕。蘿徑鬱層陰。
獨鹿登青壁。孤花搖翠岑。
界空侵黛岳。响澗鼓清琴。
古寺重雲裏。鐘聲萬木深。

青蘿寺

登陟入雲遙。春風一杖支。
龕燈青寺火。蘿徑綠鬚眉。
洞闢雙崖勒。天從一線窺。
幽巖瞻太古。枯樹半無枝。

贈慧林僧

世界棲幽勝，閑雲一老僧。
空林晴放鶴，短塔晝然燈。
戒夜聽魚梵，經餘悟象乘。
鐘聲寒碧落，錫路轉蒼藤。

春感

吟髭衰病日，傷見歲更新。
伏櫪哀羸駟，勞生困頓身。
知爲桃臉笑，解被燕呢嗔。
果獲丹邱術，應延碧荻春。

偶有軒詩鈔一

卷二

五言律

十九

陸克明云：語意幽微，純絲裹鐵，感慨深矣。領聯頂首句，項聯頂次句。

山居二首

山居當臘日，朔氣漸皴膚。
梅鬪高崖雪，冰膠一沼魚。
清溪堅孔道，枯樹止寒烏。
萬籟鎮日寂，嚴風吹遠竿。

霧淞不飛鴉，寒林老樹斜。
方圓冰就範，高下雪堆花。
柳着金爲飾，梅粧玉映霞。
山居歲方暮，摧我最塵沙。

陸克明云二詩傷亂用比體
前首哀里居次首哀近甸

早春卽事

送臘安天運迎春覽物華
梅林攔殘雨蔬圃苗新芽
寤夢聽砂落開窗聚霰譁
更看疎有雪隔塹竹籬笆

陸克明云寤聞落砂之聲而開窗乃知是聚霰二語一正一喻詩家所謂奇變絕佳而甚少者在唐人亦僅見此格詩亦感慨

秋園

偶有軒詩鈔

卷二

五言律

三

竹屋傍雲亭秋盃泛醪醅
磬鴻移夜櫓落葉走閒庭
雨戍瓜丁紫晴庚菜甲青
日來秋欲老移屐立畦町

登岳寺

策杖天門寺禪林清磬聞
鉢添斜漢水塵拂晝壇雲
繞霧靈高岳團松障遠氛
半空仙梵出紫府動元君

軒院秋夜有懷

西齋涼冷候四顧暫綢繆古鏡憐今月孤
蛩弔晚秋塞鴻鳴櫓過谿樹染霜愁遙想
羈孤夜寒砧聽客舟

時秦兒久
客江右

春詞

輕暖連朝雨芳菲競滿林迴篙春水鬧走
馬落花深燕燕巢金屋鶯鶯囀柳陰酒旗
山郭裏紅樹杏花村

寄遠

偶有軒詩鈔二卷二
五言律
三
落日溪山暝砧聲雜夜春秋高疎落木一
鴈起晴空客路雲千疊家書紙數重書中
非甚緒止是意歸蓬

陸克明云春重在二冬空蓬在一東此
律中之用輓轡韻格也然必相間煞押
至第四句不對則唐人多有之而此一
雁起晴空句則一收前解一起後解妙
在便入題收結精巧乃爾而前解從舊
別說入後解寄
歸尤見章法

西齋庚申歲新春感懷二首

壯日如流駛，紛圖膽不驚。萬人曾匹馬，孤劍恃長征。鼓櫂潮濤急，搖鞭鳥道橫。於今追往事，一夢感盧生。

草堂兵火後，買屋向東鄰。那卜陶潛宅，惟活杜甫巾。巖烽常電警，梟寇尙蜂屯。安得仙源洞，移家共避秦。

春雨郵亭送別

關山路杳茫，祖道泣離觴。野岸寒蕪綠，春

偶有軒詩鈔

卷二

五言律

三

郊暖樹芳，郵程迷錦雨。泥溷憚行裝，三疊渭城曲。傾杯各斷腸。

經亡友故居

昔年裘馬地，今日復來遊。鷗老碧潭水，楸高芳樹洲。一鞭回玉勒，五月話朱樓。舊社多零落，傷歌起百憂。

小齋春雨

漠漠春谿雨，迎風入扇紗。隔簾迴乳燕，別

院落梨花此日塵氛擾當年榭閣華會當
新霽後蝶影抱晴葩

聞警冀二弟 應震 客歸

南國干戈滿煙塵今更深番兵過乍浦漢
將下江陰行子吳州遠家書塞鴈沉途人
示邊報聞語倍寒心

夕感

微露濕枯荷微風生夕波寒釭無夢寐
鬢偶有軒詩鈔一卷二 五言律 三

髮自鬢影宿鳥啼烏桕淒蛩泣綠莎總憐
刀尺少夫婿別離多

偶有軒雜詠四首

縱目

齋閣稀人跡高邱入萬重竹深流翡翠天
外削芙蓉澗滿山樓月雲低洞壑松劃然
坐長嘯遠寺落霜鐘

齋閣

草閣長閒日。長歌倚翠空。鳥飛青嶂外。身
坐白雲中。簾幙春郊雨。山橋晚澗虹。落花
誰競掃。早晚太虛風。

西樓

孤館白雲層。西樓晚更登。硯枯添竹露。膏
滅上螢燈。響砌草蟲急。光牕松月升。板扉
誰剝啄。話舊老詩僧。

時暈上人見過

卽事

偶有軒詩鈔

卷二

五言律

十四

午榻松風靜。攤書卧翠微。幽居通石徑。野
老叩柴扉。話驟稱今是。談深識昨非。出門
相送罷。歸鳥背斜暉。

雨至

雨至山樓立。米公畫一函。竹枝澆綠酒。槐
葉碎青衫。嵐氣翻雲甕。泉簾挂石巖。波流
天際盡。輕颺憶孤帆。

避亂良禾時。兇光秦光燕。姪那俊成

之朝隨至夜坐偶賦三首

不識生涯路忘情急水船時光流電疾世
態舞風旋十載交兵地千鄉竄命年糠燈
重聚首還與說遺篇

說到遺篇去言言水水着鹽太阿泉出匣新
月鏡開匱悔容易占有窮愁詩思添深宵
縈鶴夢歷劫伴牙籤

世味嘗來遍從知道味腴百年仍故我心
偶有軒詩鈔一

卷二

五言律

五

獨抱區區事過存幽想春來護眾雞梗榛
嗟塞路搔首共踟躕

辛酉冬月對雪二首

積雪逾三尺敲冰水竹村似花花滿樹不
月月盈門竟日棲瑤島傾盃引玉罇何來
乘興客詩瘦灞橋魂

瑞雪落南天春農慶力田傷聞哀痛 詔

兆履 中興年蛇虺三吳甚烽煙兩潮

連流亡悲此日野哭徧山川

初冬舜溪紀詠錄別茂才汪紹康上

舍汪仲青光祺

小住蓬萊島穿雲步履勞孤邨黃葉下疎柳敗梢高親故悅情話霜天敍玉醪每當別歸後清韻看松濤

詩四首

平生寡所好結習在論詩騷選伊高館葩

偶有軒詩鈔

卷二

五言律

三

經研北池三唐占運會百代擬著龜終古羣趨此達情宜鬱爲

詩境脫塵緣學詩如學仙緣情而綺靡入韻有餘妍宗旨標風雅規心戒夜禪吟懷殊不俗幽意獨纏綿

危峯霄兀界巨浸海觀瞻杜老誰能到詩

家休再拈沈歸愚宗伯云杜工部詩陽開陰闔沉鬱頓挫學博才大氣盛

格變後人如何彷彿高華嗤宋腐莊雅陋元纖中有

諸君子綢繆戒尙嚴

馬異盧仝唐詩人之相善詩

思精語誕怪馬異盧仝文房棘句郊寒句勾
章島瘦章心餘良匠苦律到反經妨流易
同甜熟空除子粒芒

五言排律

紀亂篇

丁巳八月初八日賊眾數萬人由
樺根嶺竄入我鄉十九都二十都
二十一都二十二都寇隨警報倉
卒齊至四都同日被難殺死男女

偶有軒詩鈔

卷二

五言律

七

數百人屍填里野各村焚屋數十
重姦淫虜掠窮搜密檢銀錢釵釧
衣衾貨物爲之盡空虜去丁男千
數百人老幼男女被刃槍傷垂死
者不可勝數號泣之聲震天動岳
慘淒毒苦自祖宗遷居以來未有
之重災也愚脫難後因哀歌
當哭成長律一首以聞來者

亦代居斯土凶災未有茲一聲聞警急盈
野亂兵馳卒醜長垂髮羣魔勁奮鴟矛頭
團畫雪戈柄喜春枝鳥鼠空巢穴谿山窟
虺狸健身踰絕頂怯足墮淵池跌跌日無

色嗚嗚風更悲。魄從墟闕落膽逐刃光離。
搜攫怪無似貪饕豕。共使數都齊殺掠。半
日各陵夷。夫死妻潛遁。父危子遠之棄孩。
啼宿莽扶杖斃荒陂。脅虜丁男眾。嗚呼婦
女。致烽煙村簇簇。肝腦血漓漓。快鶴啣殘
肉。繁蠅聚解肢。無人收白骨。匿跡怖黃旗。
壞竈蟠金劍。頽墻任葦蕪。幾多華屋燼。一
片夕陽遲。懸磬嗟存室。醫傷痛裹夷。衣衾
偶有軒詩鈔一
卷二
五言排律
三

無牘幅金貝。罄銖鐻八百新魂。哭三千舊
宅隳。一鄉人蕩越。萬井物紛披。吹角登青
壁。鳴刀出綠羆。溪峯雲慘澹。草木影低垂。
賊旆紅移岳。鬼燈碧繞籬。惟尋生佩帶。莫
辨腐鬚眉。比化屍無所。招魂葬總疑。哀歌
同井里。惻感此心脾。黑昏天荒日。恒沙地
老時。彼蒼安可問。毒寇莫能支。桃聖村民
勇。鷓鴣橋志畧奇。幾都人奮武。一境自維持。

坐算無差策。行軍各備賞。警氛長隘守。兵器日身隨。對壘常擒賊。交鋒屢捷師。盜寇皆震懾。偵卒那從窺。眾志成城衛。同仇敵愾思。吾鄉不及計。嗟因此兵疲。桃墅鴉橋等皆浮梁上北鄉村名。與我鄉接壤。數都聯絡圍練。數萬人守隘禦賊。屢獲勝仗。此次亦獲二勝。仗殺賊數百人。一境獲安。

偶有軒詩鈔

卷二

五言排律

元

人言... 偶有軒詩鈔... 卷二... 五言排律... 元... 坐算無差策。行軍各備賞。警氛長隘守。兵器日身隨。對壘常擒賊。交鋒屢捷師。盜寇皆震懾。偵卒那從窺。眾志成城衛。同仇敵愾思。吾鄉不及計。嗟因此兵疲。桃墅鴉橋等皆浮梁上北鄉村名。與我鄉接壤。數都聯絡圍練。數萬人守隘禦賊。屢獲勝仗。此次亦獲二勝。仗殺賊數百人。一境獲安。

